



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Opus propitiatorium & opus Eucharisticum quomodo discernuntur. tit. 159

urn:nbn:de:hbz:466:1-29452

cibo Holofernis, sed nunquid illi Deus prohibuit? Minime, alioqui non amputasset caput Holofernis, Judith 13.

Sic filij Rechab non biberunt vinum, nec edificauerunt domum, neq; agros aut vineam. At nunquid hæc præcepit Deus? aut malè egerunt? Absit, immo propheta Ieremias arguit Iudæorum negligentiam per horum obedientiam, Ierem. 35. Sic David ordinauit absq; præcepto Dei cultum cum cantoribus, 1. Paral. 25. Sic Ezechias ordinauit varia genera Mulierum, 2. Paralip. 29. Surgit media nocte, Psalm. 118. Sed omnia hæc nùm præcepit illi Deus aut lex Moysaica? Sic vidua in templo vacat ieiunijs & orationibus die & nocte, sed quis illi præcepit? nunquid non fuit bonè opus? Cur ergo datur illi & reuelatur, quòd puer hic sit Christus? Sunt ergo & alia multa bona opera, quæ cet non expressa, &c.

Tertiò, Dei præcepta quòd sunt per ordinem humanam, vel cæremonijs, ad decorem & maiestatem præcepti vt ieiunium, orandi & feriandi. Tunc fit certis diebus, ibi non est pura traditio humana. Ideò si quis reiicit cæremoniam, etiam ipsam reijcit, ordinis causa institutum reiicit. Sic si reiicit monachatum, etiam obedientiam & castitatem, & puritatem reiicit, quæ opera & Christus seruauit ad laudem patris sui, & scriptura hæc omnia condemnat. Inuidia ergo hæretica omnia condemnat.

OPUS PROPITIATORIUM

& opus Eucharisticum, quomodo discernuntur.

TITVLVS CLIX.



Notandum primò, quòd solum est verum opus propitiatorium, id est, placans iram Dei, & saluans, impetrans gratiam Dei, scilicet, mors & victimæ Christi, &c.

Isaia 53. & 1. Petri 2. Hoc tollit solùm peccata totius mundi, & nostra est propitiatio, Ioan. 1. & 1. Ioan. 2. secundo, Hoc vnicum satisfecit pro peccatis totius mundi, & infernum (id est, pœnam æternam) fregit, ac remissionem & salutem omnibus credentibus meruit.

Secundò, hoc vnicum Christi opus nobis distribuitur per media, id est, fidem & virtutē Spiritus sancti, Gala. 5. per Sacramenta, per opera bona: per hæc media apprehendimus efficaciam istius operis propitiatorij, & retinemus. Hoc opus solum ex toto & omni parte perfectum est, & nullum habet defectum, & sic iuxta plenam Dei voluntatem consummatum est, sicut dixit Ioan. 19. Consummatum est, id est, tua voluntas est consummata. Hoc opus sic copiosum & diues est gratia, quòd non potest euacuari: sic perfectum, vt nihil illi desit. Hoc de nullo alio opere, cuiuscunque etiam sancti angeli, dici potest. De illo ergo oportet accipere omnes gratiam (scilicet salutis) pro gratia, id est, concessa fide & obedientia legis. hoc opus propter nos peccatores factum est.

Tertiò, alia sunt opera Eucharistica, id est, laudis & gratiarum actionis, sacrificia, quæ nos Deo offerimus, & ex fide pro accepto beneficio facimus ad laudem & gratiarum actionem Deo, non ad promerendam vitam æternam, quam iam fide propter Christum apprehendimus, & fide & dilectione tenemus. Phil. 4. Repleti fructu iustitiæ per Iesum Christum in gloriam & laudem Dei, Matt. 5. Luceat lux vestra coram hominibus, vt videant opera vestra bona, & glorificent, id est, laudent patrem vestrum, &c.

Quartò, hoc retento, id est, ne tribuamus operibus, ceremonijs, cultibus causam iustificationis & salutis, sed eam solam transferimus in victimam Christi: tunc hoc opus vnicum propitiatorium Christi tantum potest pati omnes leges, ordinationes ciuiles,

statuta & præcepta. Nā fides solum respicit in vitam Christi, & in alium finem, fides facit opera ad est, ad laudem Dei, ad obediendum Deo, ad gratias agendum. Et sic fides primò apprehendit iustitiam à victima Christi. Deinde operatur dilectionis opera, in finem laudis & obedientiæ Dei.

Quintò, opera sic in eum finem facta, id est laudis, non fiunt frustra, sed Deus per illa, vna cum fide, distribuit nobis remissionem & vitam tanquam per media. Non merentur hoc media sua dignitate, neque merita sunt, sed vnicum Christi meritum appropriatum ex misericordia sic nobis distribuitur & appropriatur.

Sexto, quoniā nō omnes ex æquo hæc media amplectimur & habemus, & diligentior est vnus altero in fide, obedientia & timore Dei, in obseruatione Decalogi, &c. ideo etiam fit diuersa distributio. 1. Cor. 3. Vnusquisque propriam mercedem accipiet, &c. & 1. Corint. 15. Sicut differt stella à stella: & loc. 14. in domo patris mei multæ sunt mansiones &c. Sed hoc totū est misericordia Dei nō dignitas operum.

*OPERIBUS PROPRIIS NON
velle saluari, sed solum Christi operibus,
sanè intelligendum est.*

TITVLVS CLX.



RIMò, plurimum discernere oportet inter opera Christi, quæ ipse fecit pro nobis, & inter fructus spiritus sancti, quos in nobis & per nos operatur, Gal 5. quæ dicuntur largè opera nostra. Opera Christi credimus, quòd nostrā meruerunt salutem Rōm 4. Mortuus est, natus est, resurrexit propter nostram iustificationē. Sic ipse vicit peccatum, mortem Sathanam, & sedet ad dextram patris, & regnat in nobis. Datus est nobis, vt sit sapientia, iustitia,